

ՕՐՀՆՈՒԹԻՒՆ ԽԱՉԻ

Եւ քահանայն զնշանս գտէրունիս դնէ ի վերայ բեմին, եւ ասէ.

Ալէլուիա, ալէլուիա.

Ետուր երկիւղածաց Քոց նշան, զի ապրեցին յերեսաց աղեղան:

Որպէս փրկեցան սիրելիք Քո. կեցո աջով Քով եւ լուր մեզ:

Փառք Հօր եւ Որդւոյ եւ Հոգւոյն Սրբոյ,

այժմ եւ միշտ եւ յաւիտեանս յաւիտենից. ամէն:

Եւ սարկաւագն քարոզէ.

Եւ եւս խաղաղութեան զՏէր աղաչեսցուք:

Վասն բարերարելոյ Տեառն Աստուծոյ ի վերայ մեր եւ լսելոյ ձայնի
աղաչանաց մերոց. զՏէր աղաչեսցուք:

Վասն պահելոյ զմեզ ընդ սորին յաղթօղ զօրութեամբն. զՏէր
աղաչեսցուք:

Վասն օրհնութեամբս՝ ամենայաղթ լինելոյ Սրբոյ Խաչիս. զՏէր
աղաչեսցուք:

Ողորմեաց զմեզ Տէր Աստուած մեր ըստ մեծի ողորմութեան Քում,
ասացուք ամենեքեան միաբանութեամբ:

ԱՂՕԹՔ

Տէր ողորմեա, Տէր ողորմեա, Տէր ողորմեա.

Տէր Աստուած զօրութեանց Քրիստոս Փրկիչ մեր՝ դի՛ր զարարչական
ձեռն Քո՝ զոր տարածեցեր ի վերայ սորին նշանիս, եւ օրհնեա՛ր **Է** զխաչս զայս
ի պահպանութիւն (այս անուն) ծառայիս Քո:

Եւ եդեալ զաջն ի վերայ խաչին, ասէ.

Դի՛ր Տէր զամենասուրբ ձեռն Քո ի վերայ նշանի խաչիս. օրհնեա՛ր եւ
տո՛ւր յաղթանակ (նորոգ մկրտեալ եւ) փրկեալ ծառայիդ Քում, պարծելոյն ի
կենսաբեր անուն Քո:

Զգեա՛ր Տէր զկենսագործօղ եւ զբարձրացեալ աջ Քո՝ զոր սփռեցեր ի
վերայ սորին զօրացեալ նշանիս եւ արարեր զանքննին մեծութիւնս: Օրհնեա՛ր **Է**
զխաչս զայս եւ տո՛ւր պահապան այսմ խոստովանողի Ամենասուրբ
Երրորդութեանդ, եւ վահան ամրութեան՝ շիջուցանել զամենայն նետս մուխս

չարին, եւ ընդդիմամարտ թշնամւոյն, զի Քո է զօրութիւն, տէրութիւն եւ փառք
յաւիտեանս. ամէն:

Եւ ապա տեառնագրէ ի վերայ խաչին ասելով.

Ամէն ալէլուիա, ալէլուիա, ալէլուիա:

Օրհնեսցի եւ սրբեսցի զնշանս զտէրունիս այս նշանաւ Սուրբ Խաչիւս, եւ
Սուրբ Աւետարանաւս եւ աւուրս շնորհիւ. յանուն Հօր եւ Որդւոյ եւ Հոգւոյն
Սրբոյ, այժմ եւ միշտ եւ յաւիտեանս յաւիտենից. ամէն:

Երիցս կրկնէ եւ ապա ասէ.

Օրհնութիւն եւ փառք Հօր եւ Որդւոյ եւ Հոգւոյն Սրբոյ, այժմ եւ միշտ եւ
յաւիտեանս յաւիտենից. ամէն:

Եւ ապա սարկաւագն քարոզէ.

Սուրբ Խաչիւս աղաչեսցո՛ւք զՏէր, զի սովաւ փրկեսցէ զմեզ ի մեղաց եւ
կեցուսցէ շնորհիւ ողորմութեան իւրոյ. Ամենակալ Տէր Աստուած մեր՝ կեցո՛ւ եւ
ողորմեա՛:

ԱՂՕԹՔ

Կեցո Տէր եւ ողորմեա,

Տէր ողորմեա, Տէր ողորմեա, Տէր ողորմեա.

Օրհնեա՛ զնշանս զտէրունիս եւ պահեա՛, պահպանեա՛ զժառայս Քո, Քրիստոս
Աստուած մեր, ընդ հովանեաւ սուրբ եւ պատուական խաչի Քո ի
խաղաղութեան, փրկեա՛ յերեւելի եւ յաներեւոյթ թշնամւոյն: Արժանաւորեա՛
գոհութեամբ փառաւորել զՔեզ ընդ Հօր եւ Հոգւոյն Սրբոյ, այժմ եւ միշտ եւ
յաւիտեանս յաւիտենից. ամէն: